

B

EXERCITATIO MEDICA *de* AEREMOR- BIFICO,

Qvam

PRÆSIDĒ

DN. JOH. MAVRICIO
HOFFMANNO,
philos. & Medic. D. Chem. atq; Anatom.

Prof. Publ. celeberrimo,

Facultat. Medicæ h. t. DECANO spectatissimo,

Academiæq; LEOPOLDO-IMPERIALIS Naturæ
Curiosorum Adjuncto,

DN. PRÆCEPTORE, FAVTORE atq; Studiorum
suum PATRONO Optimo, & vitemq;
devenerando, colendo,

Publicæ Commilitonum disquisitioni
subjiciet

CHRISTOPHORVS ERASMVS GOCKELIVS,
Ulmens.

Autor & Respondens.

Altdorffii Hab. d. xvi. Junij, A. CLO IOC XCIV.

Excudit HENRICVS MEYER, Acad. Typographus.

ILLVSTRISSIMO ac GENEROSISSIMO

S. R. I.

L. BARONI ac DOMINO,

DOMINO

CHRISTOPHORO

ERASMO,

L. BARONI à RAGKNIZ,

Domino in Perneck, S. Ulrich, Ober-
Marpurg & Ober-Kinberg, Haunsheim, Bergen-
weiler & Dornenstatt &c. &c.

SERENISSIMI ac CELESTISSIMI

ELECTORIS PALATINI RHENI

CAMERARIO

SPLENDIDISSIMO, &c.

Domino suo gratiofissimo.

S.

LVSTRISSIME ac GENEROSISSIME
Domine L. BARO,
Domine gratosissime,

*Mecænas ac Evergeta, eâ quâ par est animi
submissione & viternum devenerande.*



Agnos semper Patronos extitisse,
qui clementiâ insimul & liberali-
tate suâ studia ingenuarum artium
ac disciplinarum promovere, suis-
que clientibus auxiliatrices manus
porrigere, siccq; bono publico con-
sulere, cum immortali magni No-
minis sui deprædicatione, non dubitarint, nullus est

qui nesciat, id quod etiam innumera gloriosissimorum exempla testantur. Hisce autem bonarum ac liberalium artium Promotoribus ac Evergetis non solù jam in Domino quiescens *Illusterrimus ac Generosus L. BARO ac Dominus, Dominus ZACHARIA GEIZIGHOFER*, Dominus in Haunsheim, &c. & utpote Stipendii sui benignissimus ac liberalissimus FUNDATOR, sed etiam TV, *Illusterrime ac Generosissime Domine L. BARO, Beati Domini Fundator meritissimus Gener, hujusq; Stipendii beneficentissimus Administrator & Propagator*, meritò annuendandi estis; Quod mecum multi, qui hactenus hoc Stipendii beneficio ad continuanda sua studia gratiè adjuti fuere, confirmabunt, ac sempiterno encōmio deprædicabunt. Præ multis autem aliis clientibus Divinâ mihi forte obtigit, ut anno 1673, quo primo lucem hujus mundi vidi, & Sacri Baptismati undis initiatus sum, TE *Illusterrime & Generosissime DOMINE! gratiissimum Susceptorem*, postea ab anno 1691, quo Athenæum Tubingense aggressus sum, non solùm benignissimum Stipendii *GEIZIGHOFERIANI Collatorem*, sed in hunc usque diem liberalissimum maximumq; Patronum habuerim, qui charissima TVA Pignora, par *Nobile FRATRVM,*

Per-

Per-Illustres ac Generosissimos FILIOS, in alma hac
Universitate Altdorffina studiis operam navantes curæ
neæ committere decrevisti. Pro quibus magnis ha-
stenus in me collatis beneficiis gratias, quas mente
concipere possum, maximas agere, ratio & æquitas
postulat. Accipe ergo Illustrissime ac Generosissime
Domine L. BARO, Mecænas ac Patrone gratiōsi-
sime, omni obsequii ac observantia cultu & vitem
submissè colende, in grati mei animi tesseram, atque
humilis observantiæ testimonium, munusculum hoc-
ce chartaceum, Dissertationem præsentem Medicam,
studiorum meorum Specimen serena fronte, ac me
ulterius Gratia, favore, ac beneficentia tua prosequi
ac fovere non dignare. Quam Gratiam atque Pa-
trocinium non solùm indefessis studiis, tandem ali-
quando juvante DEO, publico profuturis, sed etiam
debitis meis TIBI & Per-Illustribus Dominis FILIIS
præstandis officiis, quantum in me est, & quamdiu
vitalis Spiritus hos meos reget artus, tam in Acade-
miis, quam in itineribus faciendis fidelissimè deme-
reri annitar. DEVVM Ter Opt. Max. indefinentibus
interim exoro precibus, ut TE, Illustrissime ac Ge-
nerosissime Domine L. BARO, Domine & Patrone
Gratiōsiſſime, cum tota Illustrissima Gente, in ex-
opta-

optato Corporis ac Fortunæ statu benignissimè con-
servet, Nestoreos TIBI annos largiatur, atque con-
tra cuncta Bellonæ aliaque pericula TE potentissimè
tueatur!

ILLVSTRISSIMO ac GENEROSISSIMO

Domino L. BARONI,

*Domino ac Patrono meo gratiissimo,
ac submissè colendo,*

devotissimus cliens

CHRISTOPHORVS ERASMVS GOCKELIVS,
Med. Stud.

J. J.



J. J.

P R A E F A T I O.

Miser a mortalium & deploranda est post lapsum primorum parentum conditio, ita quidem, ut ex ipsis illis rebus, quibus ad vitæ sustentationem indigent, subinde morbosa suscipiant seminia, ad ægritudinem imò interencionem corporis humani tandem progerminatura. Neque verò è longinquò testimonia peti debent, cùm experientia id quotidiano aëris exemplo confirmet; ex hoc quippe tametsi principium vitale homines viventes peant, & postquam semel angusto uteri carcere emancipati, in attentissimum mundi theatrum immissi libertate frui cœperunt, quo continuando fluidorum vitalium motu, atque moderandâ lasticitate intrinsecâ ejusdem beneficio necessario tam intram extra nunquam carere possint, morborum tamen pluriorum inde primitivam quoque captant causam: hinc eruditè Gualter. Charlton in Exercitat. Patholog. V. 2. Scripsit: Aër ut zvñs aīloꝝ vitæ causa quodammodo digne reputetur, ta & interdum dñs Gr̄nouꝝ miꝝ, mortis existit auctor, ubi à nativâ sua & ad vitam conservandam requisitâ salubritate desciverit. Si is enim bene constitutus animalium omnium, maximè quæ donantur organis respirandi, vitam tuetur ac conservat,

A

servat,

servat, cur malè constitutus, eorundem vitæ pariter non incommodet? Quod ipsum cùm mecum reputaverim, speciminis publici materiali mibi præbere visus est aër morbificus scrutinio ulteriori è magis dignam, quò magis ejusdem inevitabile sèpius damnum nos premit, afficit, perimit. *DEVS* à cuius imperio omnis aër pendet, Divine suæ gratiæ auram benignam proposito meo adspiret, ne ve aëris morbifici malignam sentiamus noxam faxit!

THESES I.

Arem ergò morbificum declaraturus, prolixam haud impendam operam, in describendâ è philologorum placitis nominis ratione; tantum breviter innuisse sufficiat, nomen latinum Aër ad imitationem Græci ἀέρα, originem habuisse aut ab ἄνε, i. e. spiro, aut quoniam ἀστρονόμος aëris in perpetuo motu est, aut uti quidam autumant ἀέρα τὸν ἄγειρον, ab eo, quòd ferat terram, vel quòd feratur.

II.

Neque morabor varias aëris significationes, quandois nunc pro vento, spiritu, flatuq; modico, accipitur, ut apud *Virgilium* legimus:

Aëra dimovit tenebrosum & dispulit umbras;
nunc pro sono sumitur, uti à *Varrone* dictum deprehendimus, dum ait: animam, ut conclusa in vesica, quando est arctè ligata, perculeris, aëra reddet: vel pro nebula usurpatur, uti *Horatius* & *Virgilius* fecit: Ille quidem Lib. II. Od. VII.

*Sed me per hostes Mercurius celer
Denso paventem sustulit aëre:*

--- *Vbi aëra vincere summum
Arboris haud ullæ jactu potuere sagitta.*

vel pro tuborum cavitate, quâ aëra trahunt fistulæ, non id adhibetur. *Senec. Lib. III. Quint. IV. c. 24.* facere olemus dracones, millaria & complures formas, in quibus aëre tenui fistulas struimus.

III.

Quin potius sub aëris notione totum quod circa nos indiquaq; proximè est comprehendo fluidum, triplici materia perfusum, ita quidem ut alia crassior, gravior & elatica, exhalationibus & vaporibus referta, ac propriè atmosphæra dicenda, alia subtilior, corpora quæque subiecta utique premens, alia denique subtilissima & ætheea, pondere omni & vi elasticâ destituta, habeatur: Quòd si verò quis mallet cum *Clariss. Henrico Mundio* in sua *Ιωχηντολογίᾳ seu commentario de aëre vitali esculentis ac potu-
ntis cap. i.* aërem appellare materiam fluidam, quæ im-
mense spatio diffusa terram & cæteros planetas comple-
tatur, & ejus partem superiorem à terra remotam, quæ urissima est, & à miasmate quovis terrestri immunis, cœ-
stestem & ætheream nominare; alteram quæ terræ pro-
imè incumbit, vaporibus & exhalationibus oppletur,
atmosphæram dicere; demumq; hujus rursus duas regio-
es recensere, in quarum superiori vaporum & exhalati-
onum apothecas divina sapientia condiderit, unde quo-
es lubet nubium, fulminum & ventorum materiam de-
romat, in inferiori focum seminibus rerum fovendis
doneum, & eorum in vitam productorum conservatio-
i aptum constituerit; nec ulli ita sentienti ullam move-
olitem.

IV.

Per aërem igitur morbificum intelligo totum, supra,
circa, & infra nos, proximè ambiens fluidum, sive cum
Quintiliano circumfusum nobis spiritum, variæ consi-
stentiæ, molis, figuræ, virtutis, & materialis originis mo-
leculis refertum, partes fluidas solidasque corporis nostri
diversimodè morbosè afficiens.

V.

Eapropter nunc statim inquirere juvabit, in modos
generales, quibus aër in corpus hujusq; partes tam soli-
das quam fluidas agere solet, dum deinde demum modos
speciales, quibus ipse morbosas agere solet tragœdias va-
rias, indagasse expediet: Primò igitur aër corporis par-
tes solidas fluidasq; afficit, quatenus corpus ambit, at-
que pororum fibrarumq; cutanearum, tum glandularum
subjectarum, vasorumq; hucusq; exporreitorum, inductā
nunc relaxatione, nunc ad strictione præternaturali trans-
pirationem insensilem variè alterat, nuncq; nimium au-
get, nunc intercipit, nunc drepentè immutat: Secun-
dò quatenus idem pressione sua sive elatere externo ela-
teri interno humoroso-spirituoso-aëreo minus propor-
tionatus est, & vel hunc suppressendo stagnationibus, ob-
structionibus, & inde dependentibus inflammationibu-
aliisve tumoribus occasionem præbet; vel huic cedendo
atq; impar evadendo, inflationibus variis partium mem-
branaceo-nervearum, cavarum, diversimodè contexta-
rum, occasionem præbet, quam contentorum respecti-
vè fluidorum effusio morbida hinc inde comitatur: Ter-
tiò quatenus idem aër per ossis cribrosi spiracula spiritu
sanguinemq; una cum medullari cerebri substantia attin-
git. Quartò per Aquæ ductum Fallopianum tympani ca-
vitatem & auris internæ recessus absconditos subintrat

ieci minus probabiliter Quinto per suturarum interstitia oraminaq; cranii yasis im- & emittendis destinata sese insinuat, ac consequenter rursus ad cerebrum ejusq; conten- a penetrat. Sexto lympham glandularum oris, narium, esophagi, ventriculi & intestinalium, cum sanguine & spi- ritibus aliisq; humoribus hinc inde obviis, nempe chylo, bile, succo pancreatico &c. variè afficit; atque interea quando simul per rimulam laryngis in asperam arteriam, eu bronchum & bronchia pulmonalia hisque appensas vesiculas orbicularis pnevmonicas sese insinuat, humo- es spiritusq; ibidem præsentes diversimodè movet & im- nutat. Atque sic Septimo per totum corpus sese diffun- dit, quatenus canalem æque alimentorum ac sanguinis servadit, fluidorumque catholicorum commeatum reci- procum sequitur, quorum etiam crasin, motum intesti- num & progressivum, fluiditatemq; seu consistentiam tunc variè determinare potest.

VI.

Quibus præmissis agedum circumspiciamus nunc ordine & distinetè, quot modis specialibus aër fœcundus norborum plurimorum parens, fieri possit ac soleat? Hic erò primò omnium notamus, id perpetrare aërem im- noderato qualitatum primarum vulgo sic dictarum ex- effu; siquidem aër excessive calidus interne quidem par- iculas sanguinis sulphureo-salinæ nimium exagitat, ac- endit & quasi inflamat, subtiliores easdem & spirituo- as dissipat, discutit, chyloso-balsamicas nutrias liquat, undit, serosas evaporabiles absunt, salinas in fluorem aligit, bilemq; cum lymphâ acriorem efficit, demumq; san- guinem insequenti coagulationis promptitudini obno- xium reddit; externè autem habitum corporis nimium arefacit, poros aperit, ac ultra modum laxas transpi- rationi insensili & sudori concedit habenas; sicque cor-

pus exurit, exsiccat, partes varias inflammationis peniculo exponit, dolores à causâ calida aliâs deduci solitos in partibus membranaceo-nerveis intendit & exacerbat, atque demum excretionibus colliquativis hinc inde ansam præbet; quare *Henricus Mundius l.c. cap. 2.* huc apposite ita scripsit: In calidioribus plagis Elephantiasis, aut scabies cutim deturpant: Choleræ, dysenteriæ, & Ileum intestina torquent: Causi & omnimodæ febres sanguinem inflammant. Omnes denique morbi à bile orti hic dominantur. Morbi etiam pestilentiales, qui in regionibus magis temperatis vix nisi contagione propagantur, in calidioribus plagi spontaneo ortu saepe emergunt, iusque Tartarea, quæ omnes terras invasit, meridionalibus tantum originem debet. Nec morbos modo, sed & mortem quoque præsentaneam saepe attulerunt cœli ardores, propè dictam Ormuziam totus exercitus auræ candardis, ab arenosis desertis delatae, afflatus suffocatus periit. Mercatores etiam saepenumero cum camelis iter per arenas tendentes in ipso itinere concidunt, vehementi solis æstu extinti.

VII.

Contra aër intemperatè frigidus fluida catholica coagulat, & ad stagnationem disponit; ad p. n. acorem suscipiendum eadem dederit, fibrarum nervearum corrugationem spasmodicam dolorificam infert, glandularum subcutanearum meatus constringit, poros cutaneos contractat, sicque sudorem inhibet, insensilemque transpirationem intercipit; ut hinc febres, tumores, dolores partium membranaceo-nervearum frigidi, catarrhi, & alia exsurgant mala; insuper ulceribus, vulneribus, membranis, ossibusque denudatis aër frigidus infensissimus obvenit.

IIX.

Porrò aér hūmidus morbidus non minus existit , si quidem feri accumulat copiam , illudque intra glandulas molliores redditas coacervari facit , fibrarum adhæc nervarum membranacearum tendinosarum ac carnosarum tonum relaxat , ac consequenter totum corpus ultra modum humectando enervat , cruditatibusque excipiendis obnoxium reddit , præcipue autem rheumatismis , febribus putridis , ulceribus fœtidis , anasarcae , cachexiae , paralysi , phthisi , & pluribus aliis morbis à colluvie ferosâ dependentibus , tum speciatim ab Hippocr. Sect. III. Aph. XVI. parte priori propositis januam pandit amplissimam .

IX.

Siccus denique aér squalorem corpori inducit , tabidisque & phthisicis exitium minatur , fibras membranaceas , nerveas , tendineas , carnosasque rigidas reddit , & ad contracturam seu ariduram invitat , bilem ingenerat retorridam , alvum constipat , fauces exurit , sitimque intensissimam efficit .

X.

Post intemperiem sciendum , aërem morbosum evadere repentinâ & insolitâ mutatione , qualis quidem nunc sub diversis anni tempestatibus , nunc sub unâ eademq; obtingit , sive dein aér repente ex calido in frigidum , ex humido in siccum , vel viceversa pervertatur , sive ex improviso insolita aëris intemperies longior , e. g. mensibus aestivis frigida , vel hybernis calida oboriatur . Etenim si omnis mutatio repentina est periculosa , quanto magis talis erit ex aëre producta , utpote quæ & interne & externe totum corpus afficit atque fluidorum catholicorum motum consistentiam & crasis multipliciter alterat , tum insuper solennem illam corporis sub insensili transpiratio-

ne evacuationem multipliciter imutat. Hinc ex fide quotidiane experientiae Artis nostrae Princeps *Hippocr. Sect. III. Aph. 1.* scripsit, mutationes anni temporum maxime parere morbos, & in ipsis temporibus magnas mutationes aut frigoris aut caloris & alia pro ratione eodem modo.

XI.

Adhæc aer morbificam sæpe ludit tragœdiam quoad suam habitudinem sive consistentiam diversam, nimis si quidem tenuis respirationi & motui vitali impar est, unde etiam ex Illustris *Boylei* tentaminibus factis constat, animalia machinæ pneumaticæ inclusa, aere crassiori evocato, reliquo solum iisdem æthere tenuissimo, protinus spasmis tentata exspirare; atque hanc in rem aliquoties jam à nobis citatus *Henricus Mundius cap. 8.* memorat: Eos qui Tenariffæ cacumen (quod metæ forma longe supra nubes caput æthereum attollit) curiose superant, spongiis madidis naribus admotis aeris nimis tenuis defectum supplere. Quod idem narrat *Aristoteles* ab illis qui Olympum ascenderunt factitatum. Est namque tunc externi aeris elater interni aeris elasticitati moderandæ impar, unde ab hoc viscera interna cava nimum expanduntur, inflantur, & fibræ nimiæ tensionis impatientes ad contractiones spasmodicas irritantur, ut hinc *Josephus Acosta* nauseam & vomitiones, quas gravissimas ipse cum sociis quibusdam passus erat, dum Pericaccæ, montis Peruvianæ & forsitan totius orbis editissimi, juga transiret, non inepte aeris subtilitati acceptas tulerit. Eapropter etiam *Ægæus* Celeberrimus *Bohnius Circulus sui Physiologico-anatomici Progymnas. V. p. 92.* docuit: fluidum animalium ambiens determinatâ ad intrinsecum gaudere habitudine & relatione; cuius intuitu pisces in aqua, lumbrici, ranæ, serpentes, &c. in terræ cavernis undosis,

is, aves in aeris excelsiore contignatione, reliquaq; animalia in atmosphæræ strato inferiore seu terræ vicino degunt, hæcque sua loca naturalia vix sine notabili sui incommodo & vitæ periculo mutant, non tantum quòd inspirationi horum huicq; analogo fluidum ambiens peregrinum minimè congruum existat, sed simul, quòd fluidis eorum intrinsecis æquilibrium adæquatum non præstet.

XII.

Sed & aër morbificus existere potest ratione motus nimii à ventis impetuosis impressi, quorum vehementiâ dem altius poris cutis impellitur, eosque nimium comprimit ac constringit, sicque transpirationem insensilem uflaminat, atque sudorem coërcet, quin & effluvia vaia & miasmata sibi permixta primo impetu & impulsu oculis vasorum ad superficiem corporis usque exporrectis profundius incuneat: Contrà verò tranquillus aër nullâ ventorum vi agitatus et si mitis ac lenis appareat, requieçet tamen & stagnantis aquæ more corrumpitur, vapescit atque deficiente eventilatione sanguinis & spirituum & uitati excitandæ minus aptus existit, atq; hinc etiam aër angustiorum hypocastorum perpetuò clausorum, ut & carcerum liberiori auræ haud perviorum, aut venorum ventilabris minus expositorum, squalore suo principio vitali animando prorsus impar habetur, fluidaque catholica cum spiritibus vapida omniq; virtute elastica orbata relinquit, quod ipsum etiam damno suo experimentur, qui campanis urinatoriis vel similibus machinis sub undis inclusi aërem sub reciproco commeatu tandem effectum factum, atque respirationi inidoneum sentiunt, ut hinc *Cornelius Drebelius* singulare artificium adinvenerit, quo aërem ejusmodi denuò animare poterat, quod qui-

dem retulit Illustris Anglus ad essentiæ alicujus cordiacæ particulas, in vaporem resolutas, & effœtum simul aerem phlegmaticumq; animantes; Celeberrimus verò Pechlinus in meditatione de aëris & alimenti defectu & vitâ sub undis cap. 9. in machina Drebaliana id accidisse conjicit, quòd ad singulas effœti aëris expirationes in idoneum & cameratum cavum (nam & instrumenti hujus mechanicam fuisse rationem necesse est) nonnihil essentiæ salis volatilis oleosi influxerit, quo statim veluti fermento partes aliæ aëris defæcatæ & postea secretæ fint, aliæ quoq; magis tenuatæ & vividiore aurâ vel potestate elasticâ donatæ, ut sic denuo receptæ in pectus sanguinem rarefacere potuerint: atque in eo situm fuisse sophisma existimat, quòd tantum duntaxat istius salis influeret in cavum, quantum ad debitam & naturæ singulorum respondentem rarefactionem erat necessarium.

XII.

Jam verò ulteriùs disquirere operæ pretium erit, unde nam aëri effluvia, miasmata & inquinamenta varia advenire possint, ejus crafū ad vitalitatem requisitam corruptentia? Ubi quidem primò nulli dubitamus cum I SERANDO de DIFMER BROECK in tractatu de Peste lib. 1 cap. 8. asseverare, à Deo peccatis nostris irascente, malignissimum, occultum, venenosum, & naturæ humanæ infenfissimum pestilens seminarium cœlitus demitti, quod minimâ quantitate aëri infusum, instar subtilis cujusdam fermenti se se per aërem dilatet, eumq; inquiet, ac plurimi ejus particulis multis in locis seu regionibus simili venenositatis labem imprimat, per cujus communionem non pluribus tantum unius loci incolis, sed pluribus etiam orbis terrarum partibus pestis plerumque communicetur: hujus namq; asserti veritas Christianis ex lectio-

ie S. Scripturæ luce meridiana clariùs elucescit, sic enim egimus, quòd Deus jussit Mosen verba hæc ad Pharaonem eloqui *Exodi cap. 9.* Hæc dicit Dominus Deus Hebreorum, dimitte populum meum, ut sacrificet mihi, nunc enim extendens manum percutiam te & populum tuum peste, peribitisq; de terra. Et *Levit. 26. cap.* ait Dominus, quòd si nec sic volueritis recipere disciplinam, sed imbulaveritis ex adverso mihi, ego quoq; contra vos aduersus incedam, cumq; confugeritis in urbes vel arces nunitas, mittam pestilentiam in medio vestri; & *Deut. 28. vers. 21.* & 22. adjunget tibi Dominus pestilentiam, donec consumat te de terra, ad quam ingredieris possidendam, percutiet te Dominus egestate, febre, & frigore, ardore & æstu & aëre corrupto ac rubigine. Et *Jerem. Prophetia cap. 51. v. 1.* hæc dicit Dominus: Ecce ego suscitabo super Babylonem & super habitatores ejus, qui cor suum levaverunt contra me, quasi ventum pestilentem: *II. Reg. c. 24. v. 15.* & 16. immisit Dominus pestilentiam in Israël de manu usque ad tempus constitutum, & mortui sunt ex populo à Dan usque ad Ber-sabee septuaginta millia viorum, cumq; extendisset manum suam angelus Domini super Jerusalem, ut disperderet eam, misertus est Dominus super afflictionem, & ait angelo percutienti populum, sufficit: &c. *Habacuc cap. 3. v. 5.* ante faciem Dei ambulabat pestis, & carbunculus ante pedes ejus procedebat. Id sanè notandum, quòd Gentiles jam olim pestilentiae causam Diis attribuerint; sic enim antiquissimus scriptor *Homerus* sub initium Iliadis ob filiam Chrysis stupratam læsum Apollinis Numen telo pestifero in Græcos fæviisse memoriæ prodidit, & apud Ovidium Lib. VII. Metamorph. fab. 26. Æginetis, narrante Æaco I.

*Dira lues populi irâ Junonis inique
Incidit;*

Similiter *Plinius Lib. VII.* memorat, *Manilius* cùm Capitulo expulsus esset, Deos Capitulinos irā perfusos esse, & contra Romanos sævissimā peste egisse. Nec minus vide tur etiam eò respexisse *Hippocrates*, quando *in prænotioni bus I. 14.* si quid divini in morbis inest, etiam hujus præ notionem ediscendam esse voluit; nam tametsi, accuratè dicente *Lindeno in Selectis Medicis II. §. 34.*, in omni morbo cuius neque indoles statim, neque curatio patet, nō dñs causari superstitioni sit, in peste tamen illud admittere cogimur; crediderim idè allegatum hunc *Hippocr.* textum optimè illustrasse *Galenum in commentario*, quando nō dñs interpretatus est ambientis nos aëris conditionem, non tamen eam, quæ in primis est qualitatibus, sed multo præstantiorem occultioremq; monente *Charletono Exercitationum Pathologicarum X. §. 22.*, quam disserte innuit *Hippocr. in lib. de natura humana textu 19.* dum ibi ait, quum unius morbi popularis grassatio consistit, manifestum est diætam non esse culpabilem, sed quem trahimus spiritum in causa esse, palamq; est insuper, eum ipsum spiritum sive aërem morbosam aliquam exhalationem (*vocēq; nivā διπέγρων*) habere.

XIV.

Exinde verò nunc alia emergit controversia, utrumne astrorum phases positus & certæ conjunctiones, ac siderum in universum influxus, aërem similibus pestiferis miasmatibus corrumpere possint? ubi quidem ex Astrologorum judiciorum mente affirmativa sententia albo esset calculo probanda, siquidem

Astra movent auram, movet aura salumq; solumq;

Hūs homo vivit, & his planta tenella, cibis;

Sana bonos faciunt succos, male sana putrentes,

Hinc putris in liquidum pestis origo venis;

quem.

quemadmodum id etiam factum ab *Alexandro Aphrodiseo*, *Avicenna*, *Valesco de Taranta*, *Fernelio*, *Ludovico Mercato*, *Alberto Magno*, *Duncano Luddelio*, *Georgio Tholosano*, *Michaele Saxonie*, *Matthia Mechonio*, *Andrea Angelo*, *Crusio*, *Trichemio*, *Ennerto*, *Mattheo Zeisio*, *Quercetano*, *Vnzero* &c. sicuti loca ex itatis authoribus recensuit, atque argumenta præcipua uincinè proposuit *Isbrandus Diemerbræck* in tract. de peste ib. i. cap. 8. annotat. problem. 1. pag. 20. & seqq. Sed cum negativam multò magis veritati affinibus argumentis sondè evicerit *Carolus de la Font* in *Dissert. 1. de veneno pestilentis* ap. 6., huic quoqué me applicabo; ad minimum firmier persuasus sum, ob astrorum innumerum numerum, tque tantam à globo nostro terr-aqu-aëreo eorum diuantiam, humanæ mentis conjecturam non posse assequi ertam aliquam noticiam, quibusnam astris & cuinam determinatæ cœlorum regioni generatio ejusmodi miniatum sit attribuenda? item an ejuscemodi malignæ mortis effluvia non prius ab inferioribus caussis producta & consequenter astris demum communicata fuerint? In rea tamen astraluce, calore, motuq; in aërem & corpora nostra agere, & sub tali respectu illum sæpe intemperatum & vitalitati fovendæ non ubivis congruum fieri, hæc utem ad suscipiendos morbosos fomites sæpius disponi, ltro concedimus, & propugnabimus.

XV.

Causas igitur nunc scrutabimur inferiores & nobis ropinquieres, à quibus aer sæpius corripi & depravari olet: Nempe enim ipsa mater tellus ex gremio suo pergnem subterraneum propulsas mittit aporrhœas sulphureas, salinas, acres arsenicales, mercuriales, aliasq; minerales & metallicas, quæ subinde non solum aquas, verum etiam aërem ipsum subeunt & inquinant: Quemad-

modum enim teste *Georgio Agricola de re metallicâ lib. VI. p. m.*
 172. in metalli-fodinis venæ & venulæ commissuræq; sa-
 xorum exhalant subtile quoddam virus, ignis vi expres-
 sum, ex rebus metallicis aliisque fossilibus, quod ipsum
 cum fumo sublevatur, non aliter ac pompholyx, quæ in
 officinis in quibus venæ metallicæ excoqvuntur, ad supe-
 riorem parietis partem adhærescit, atque si idem ex terra
 evolare nequiverit, sed deciderit in lacunas, atque eis in-
 nataverit, periculum conflare solet; etenim si quando
 aqua ja&tu lapidis aut alterius rei commota fuerit, rursus
 ex ipsis lacunis avolat, itaq; spiritu du&tum homines infi-
 cit; sed idem magis efficit fumus igni nondum extin&to
Corpora autem animantium isto veneno infecta plerum-
 que continuo turgescunt, & omnem motum ac sensum
 amittunt, sineq; dolore intereunt. Homines etiam e-
 puteis scalarum gradibus ascendentes, ubi virus incre-
 mentum sumserit, rursus in eos decidunt, quia manu
 non faciunt suum officium, globosæq; & rotundæ ipsi-
 videntur esse, itemq; pedes, aut si bona fortunâ parum
 per læsi ex his malis evaserint, pallidi sunt, & similes mo-
 tuorum. Ita etiam similia effluvia extra cavernas subter-
 raneas exhalantes supra terram aquas & aërem inficiunt
 quod ipsum inter alios quoq; testatur *Athanasius Kircher
 Mundi subterranei Lib. V. Sect. IV. cap. 3. verbis seqq.* Certu-
 tibi persuadeas velim, hasce antrorum fissuras pernicie
 spiritus exhalatrices, suam ex subterraneis cavernis o-
 ginem ducere; infernus verò cavernarum aér multis m-
 neralium succorum quisquiliis tintus, mox ubi ab æstu-
 riis subjacentibus exagitatus fuerit, per hujusmodi fisi-
 ras eru&tatus effe&tus pro diversitate materiæ diversi-
 mos præstabit; si enim aer sulphuris adusti halitu tantu-
 tintus fuerit, is nonnisi avibus periculum adducet;
 cum bituminis adusti fæcibus mixtos halitus exerueret
 nec

ecroticā quadam vi infestabit omnia illa animalia, quæ
cautius illa loca accesserint. Rursus si arsenico calci-
ato, antimonio, mercuriali liquore perfuso, tingatur aer,
ne ullo remedio mortem cordis suppressione afferet ani-
malibus; si gypseæ materiæ halitus fuerit, mixtâ vitrioli
et aluminis portione, accedentes strangulabit. Atque
oc pæsto pro materiæ venenosæ conditione differentia
ausabit symptomata; quas quidem pestiferas exhalati-
ones procreat vel internus terræ, ut dixi, calor; vel vis-
gnium saxa cæterasq; minerales glebas adurens, cujus-
modi inter alia sunt pyrites, stibium, quod antimonium
ocant, cadmia, mercurius sublimatus & innumera alia,
uæ aquis fortibus macerata, halitus emitunt adeò exi-
ales, ut vel ad primum odorem exaniment. Quæ omnia
xperimento constant aurifabrorum aut ipsorum fosso-
rum, quorum illi dicta mineralia dum tractant, nisi ma-
na cautela procedant, horrendis irremedabilibusque
horbis infestantur, hi verò aperta subterranea quadam
montis cavernâ, hujusmodi halituum quisquiliis ita pro-
nus consternuntur, ut subinde quotquot ibi laborant,
dunum omnes suffocati intereant.

XVI.

Notum cumprimis est in viâ Puteolana antrum Ca-
um, intrâ quod hi dimissi à sulphure narcoticō obveni-
nte tenebricosâ vertigine correpti, & repente $\delta\varphi\omega\pi\alpha$ mor-
ui quasi videntur, mox tamen passibus quadraginta
arciter inde distanti lacui Agnano dein immersi vitam
notumq; \oplus sæ aquæ beneficio recuperant. Sicuti alijs
on leve impendet periculum hominibus ab effluviis sul-
phureo-narcoticis, quibus aer cellarum musta fermenta-
centia comprehendentium, aut laboratoriorum Che-
morum carbonibus accensis æstuantium, refertus est,
nisi

nisi ventorum ventilabra liberius admissa ejuscemodi effluvia discutiant aut dissipent.

XVII.

Id verò fidem fermè superat , ab *Helmontio de Lithia cap. i. §. 18.* relatum , quod circà annum 1320. intra Russiam & Tartariam , in altitudine graduum 64, non procul palude Kitaya , Horda Baschirdorum penitus in petra transmutata fuerit cum toto armamento, curribus, & armamento ; dicunturq; etiamnum hodie homines , cameli equi, greges, atque omne concomitans curruum & armamentorum genus , sub dio concretum , horrendo spectaculo , adhuc insaxata stare. Qualem effectum sicuti *Helmontius* illius tractus fortis odori faxatili fracido exspirans suos inambulones necanti & transmutanti adscripsit ; it *Aventinus in Hist. Bavariae l. 7.* confirmare videtur , scribens plusquam 50. rusticos cum pecude à spiritu salino in terru motu exorto suffocatos , & in statuas salinas at durabilis materiæ transmutatos , seq; cum Cancellario Austriæ hominem pecorisq; simulacra vidisse.

XVIII.

Ex dictis igitur elucescit , effluvia varia morbifica e terræ visceribus ejusq; superficie aeri accedere : comprehendimus autem porrò supra terram hinc inde etiam similes aporrhœas eidem adjungi , & quidem : (1) à mari fontium , lacuum , stagnorumq; aquis exhalantibus , siuti e. g. maris balthici accolæ salinas rigidiores cum aë captant moleculas , scorbutum endemium fovente (2) à carbonibus fossilibus pro igne exstruendo usualibus quam ob causam aër Londinensis tabidis phthisicisq; extium minatur & infert. (3) à cloacis , fimetis , sterquilini & aliis quibuscunq; foetida effluvia dimittentibus , ut id rectè monuerit *Cl. Scretæ Tr. de febr. castrens. sect. 2. c. 3. p. 18*

◎ I. ◎

GÖCKELI, præclara propago atq; æmula
proles,
Quandoquidem Phœbo nomen cum lau-
de dedisti,
*Aëris infausti & quantum Vis corpora lædat,
dum exprimis, Ingenii Viresq; exponere tentas,
Hunc quoq; conatum laudo & quò sidere fausto
In Patria facias Medicam haud inglorius artem,
Egregii Patris exemplo, opto pectore amico,
Et Morbi possis, Mortisq; inhibere furorem.*

*Nobil. Et CLmo Dn. RESPONDENTI,
amoris Et honoris causa gratulabun-
dus adposui*

Mauricius Hoffmann, Med. D.
& Prof. Primar. Collegijq; utriusq; Altdorf.
& Nor. Senior.

◎ II. ◎

Bάλλ' ὦ τως! μεραρέον κατ' ἔχνθ. αἰοτε Γορῆθ.,
Καὶ περιγόνων σεῦ Ιητεῶν ἀνδρῶν πλυφήμων,
Σπεδάζων περ' Ἀκεσφεῖν, ΓΩΚΗΛΙΕ· Τιμὴ^η
Τῆς αρετῆς Σέσθεν διπλύε σωμάτρεθ. ἔσαι.

*Χαείσθεθ δεντέλα
ἀνηρχεδίασ*

Jacobus Pancratius Bruno, D.
& P. P.

III. GO-

III.

GOCKELI, Phœbi & Charitum dulcissima
proles,

Aëra morbosum scribere dum fatagis,
Aëra per patulum Laudes & Nomen Honosq;
Se Tua diffundent verticem ad usq; Poli;
Solis utramq; domum complevit Gloria Avita,
Tumet eris celebri nec Genitore minor!

Bono omine plenus

Nobiliss. & Clarissimo

DOMINA. AVTORI RESPONSVRO,
Fautorī & Amico suo suavissimo,
de egregio Eruditionis
Specimine gratulabundus
autographiaæ

PATRRESES.
S

IV.

*Il est bon, avoir leu, avec soin & adresse,
le Divin Hippocrate, & feüilletté Galien ;
ainsi que Vous avez fait jusqu'icy sans cesse :
Mais tout cela pourtant ne suffit encor bien.*

*Au moins on ne doit pas receler sa Science ;
mais plutôt en public montrer ce que l'on fait,
& mettre, comme Vous faites, en evidence,
& ce qu'on a appris faire voir en effet.*

*Ce savant Essay donc, dont je Vous felicite,
souhaittant, qu'il Vous cause & honneur & bonheur,
fera, mon cher Amy, Vous meriter ensuite
& remporter bientost le chapeau de Docteur.*

George André Reutter

Carnificibus Senatusconsulto ferio inculcandum esse, ne fœtidas cadaverum quorumcunq; detra&tas pelles, antequam in altiori, ab urbe tamen remoto, loco bene exsiccatæ fuerint, ædium superioribus contignationibus suspendant, aliàs per totam viciniam teterrimus inde exhans squalor maximo cum sanitatis detrimento dispergetur, naresq; illic degentium perpetim feriret, imò grante pecorum lue pelles nullo modo detrahant, sed ista cadavera profundioribus fossis integra occultent; (4) à defunctorum vel in bello trucidatorum corporibus inhumatis sub dio relictis, per putredinem resolutis, luem epidemiam sæpius concitantibus, (5) ab ægris morbis contagiosis correptis pluribus in uno loco decumbentibus, aërem effluviis suis inquinantibus, ut per contactum virtualem contagium necessariò multiplicetur; quod cùm prudentiores bellorum Duces optime nôrint, ægros infectos in castris diutius morari haud sinunt, sed ad evitandum amplius contagii damnum in xenodochia mārurè ablegant. (6) ab ædibus recens extructis & tintatis, calcariis sulphureisq; narcoticis exhalationibus sanguiniæ recordiorum pulmonali, spirituiq; cerebri animali, intensissimis.

XIX.

Atq; h̄c videtur ὡς ἐν παρόδῳ etiam commemorandum, èrem fulminum fulgurumq; sulphureo-salinâ narcotici & coagulativâ anathymiasi fœtum sæpius repentinæ improvisæ homines tradere neci, fluidorum catholitorum vitalium motum in momento intercipiendo, spirituumq; eclipsin inferendo; sicuti huic opinioni Cardani varietate rerum c. 43. observatio probabilitatis singularem speciem conciliat, quâ memorat, in Lemno Insula, ubi Insulæ cornu dividitur, & o messores cum sub-

quercu coenassent, à fulmine percusso & exanimatos
sum quemq; schema, sub quo discubuerat, retinuisse,
ita ut unus comedere videretur, alter ori poculum ma-
nu admovere, aliis bibere, cumq; omnes nigri essent,
imaginem totidem statuarum repræsentasse.

XX.

Tandem etiam morbificus dici meretur aër, qui ob
~~idōos yne gōdīw~~ aliquibus hominibus adversus est, sicutie. g.
aër effluviis rosarum, moschi, ambræ, similibusq; odo-
riferis imbutus, feminis quibusdam hystericam concitat
passionem, aut capitis dolorem parit: Plura hâc vice ad-
dere nec libet, nec licet, etsi argumenti propositi ampli-
tudo plura suggereret, quæ in aliam reservabimus
occasionem.

*SOLI D^EO GLORIA
sit in aeternum!*

F I N I S.

C O R O L L A R I A.

1. In aëre medicato præscribendo ad consuetudinem etiam re-
spiciendum est.
2. Bili ab omento particulas subministrari oleofas, non impro-
babile censemus.
3. Febrium plerarumq; ortus à stagnatione fluidorum cathol-
corum præviâ facile deduci potest.
4. Medicamenta Chemicæ dextrè præparata, atque à Medi-
prudente decenter præscripta, tuta sunt.

